

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 Pr 481883 25 Pr
Tuzla, 27.02.2026. godine

Općinski sud u Tuzli, sudija Marica Grabovica, rješavajući u prekršajnom postupku protiv okrivljene F. H., zbog prekršaja iz člana 52. stav 2. u vezi sa stava 1. tačka e) Zakona o fiskalnim sistemima u vezi sa članom 33. istog Zakona („Sl. novine F BiH“, broj: 81/09), na osnovu člana 15., člana 72. stav (1) i stav (2) tačka 3) i člana 79, te člana 73. i 74. Zakona o prekršajima Federacije Bosne i Hercegovine ("Službene novine Federacije BiH", br. 63/14 i 19/25), nakon održanog usmenog pretresa dana 24.02.2026. godine, dana 27.02.2026. godine donio je sljedeće

RJEŠENJE

Okrivljena: F. H., kći O. i majke R., rođena ... godine u K., nastanjena u K. u naselju ..., JMBG ..., državljanica BiH, sa završenom SSS, po zanimanju poljoprivredni tehničar, direktor „Seif“ d.o.o Kalesija, izdržava se od plate, udata, majka troje djece, prekršajno kažnjavana.

Odgovorna je

Što kao odgovorno lice „Seif“ d.o.o Kalesija, usljed propuštanja dužnog nadzora nad poslovanjem, pravno lice u poslovnom prostoru podružnice „Seif -cvijeće i čokolade“ Tuzla, koja posluje u sastavu pravnog lica, nije izdalo fiskalni račun kupcu za prodaju robe-cvijeće u vrijednosti od 20,00 KM putem fiskalnog uređaja ... u prisustvu inspektora koji je vršio nadzor dana 07.02.2025. godine,

čime je okrivljena počinila prekršaj iz člana 52. stav 2. u vezi sa stava 1. tačka e) Zakona o fiskalnim sistemima u vezi sa članom 33. istog Zakona, pa joj sud primjenom člana 25. Zakona o prekršajima Federacije BiH

IZRIČE

UVJETNU OSUDU

Kojom se okrivljenoj za učinjeni prekršaj utvrđuje novčana kazna u iznosu od 1.000,00 KM (slovima: hiljadukonvertibilnihmaraka) i istovremeno određuje da se ista neće izvršiti ako okrivljena u roku od 6 (šest) mjeseci od pravosnažnosti rješenja ne izvrši novi prekršaj.

Okrivljena je obavezna platiti **troškove prekršajnog postupka u paušalnom iznosu od 50,00 KM (slovima: pedesetkonvertibilnihmaraka)**, u roku od 15 (petnaest) dana od dana pravosnažnosti rješenja, u suprotnom isti će se naplatiti u skladu sa članom 102. do 104. Zakona o prekršajima Federacije BiH.

Obrazloženje

Okrivljena F. H. je blagovremeno ovom sudu podnijela zahtjev za sudske odlučivanje o prekršajnom nalogu broj: ... izdat od strane Porezne uprave F BiH Kantonalnog poreznog ureda Tuzla Odsjeka za inspeksijski nadzor dana 25.02.2025. godine.

Okrivljena se na usmenom pretresu održanom dana 24.02.2026. godine izjasnila da prihvata odgovornost za počinjeni prekršaj, te u uvodnoj riječi izjavila da je pravno lice u kojem obnaša dužnost direktora već kažnjeno za isti prekršaj, a što se tiče samog prekršaja da je u momentu kada je ušao inspektor, a koji se nije predstavio, zaposlenica koja je radila u cvjećari aranžirala je jedan buket da bi ušla duga mušterija koja je kupila cvijet u saksiji koji je koštao 20 KM i pošto je ista žurila samo je

dodala novčanicu od 20 KM prodavačici, a ona je ostavila taj iznos i nastavila aranžirati drugoj mušteriji buket da ne bi čekal, gdje zbog navedenih okolnosti nije mogla odmah mušteriji koja je kupila cvijet i izdati račun, a što je uočio i sam inspektor koji je bio prisutan u tom momentu. Dalje je navela da do sada nije kažnjavana za prekršaj iz oblasti Zakona o fiskalnim sistemima, a napominje da pravno lice ima dvije podružnice koje se bave prodajom cvijeća te da obavljaju i druge djelatnosti, trenutno ima 9 zaposlenih radnika, kojih je un ranijem period bilo više ali da zbog teške finansijske situacije u kojoj se našlo nije u mogućnosti zaposliti više osoba.

Obzirom na činjenicu da je okrivljena prihvatila odgovornost za počinjeni prekršaj, sud je u smislu člana 69. stav (1) Zakona o prekršajima Federacije BiH, razmatrao samo vrstu i visinu sankcije za okrivljenu i u dokaznom postupku na prijedlog ovlaštenog predstavnika ovlaštenog organa K.M. A. izveo dokaz uvidom i čitanjem naloga za inspekcijski nadzor poreskog obveznika broj: ... od 07.02.2025. godine, zapisnika o inspekcijskom nadzoru poreznog obveznika broj: ... od 07.02.2025. godine, uvidom u presjek stanja fiskalnog uređaja broj: ... na dan 07.02.2025. godine u 15,27 sati sa popisom gotovine u rukopisu svojeručno potpisano od strane zaposlenice I. S. i ovjereno pečatom pravnog lica te uvidom u podatke iz RNK za okrivljenu zaključno sa 18.02.2026. godine, zatim izveo dokaz uvidom u izvod iz prekršajne evidencije za okrivljenu, pa sud nalazi da je okrivljena izvršila prekršaj iz člana 52. stav 2. u vezi sa stava 1. tačka e) Zakona o fiskalnim sistemima u vezi sa članom 33. istog Zakona, što okrivljena i ne spori, te da je priznanje okrivljene saglasno materijalnim dokazima koji su izvedeni na usmenom pretresu, zbog čega je okrivljenu oglasio odgovornom za učinjeni prekršaj i izrekao sankciju kao u izreci rješenja.

Kako je okrivljena prihvatila odgovornost za učinjeni prekršaj, rješenje ne sadrži obrazloženje u dijelu koji se odnosi na utvrđivanje činjeničnog stanja.

Prilikom odlučivanja o vrsti i visini sankcije, ovaj sud je cijenio sve okolnosti počinjenog prekršaja, pa je od olakšavajućih okolnosti cijenio prihvatanje odgovornosti za prekršaj što je umnogome doprinijelo bržem okončanju postupka kao i smanjenju troškova, a kao naročito olakšavajuću okolnost da okrivljena od 2021. godine nije kažnjavana za prekršaj iz oblasti direktnih poreza, a obavlja djelatnost od 2018. godine što se vidi iz zapisnika o inspekcijskom nadzoru, u kojem niti jedan propust osim neizdavanja računa za prodaju cvijeća od 20,00 KM nije utvrđen, jer je evidentirani gotovinski promet do 15,27 sati iznosio 326,50 KM, pa je u odsustvu otežavajućih okolnosti, donio odluku da okrivljenoj umjesto propisane novčane kazne za ovaj prekršaj primjenom člana 25. Zakona o prekršajima F BiH izrekne uvjetnu osudu, prethodno utvrdio novčanu kaznu u visini kao u izreci te istovremeno odredio da se ova kazna neće izvršiti ukoliko okrivljena u roku od 6 (šest) mjeseci od pravosnažnosti ovog rješenja ne poćini novi prekršaj, cijeneći da izricanje kazne za ovaj prekršaj okrivljenoj nije nužno radi prekršajno pravne zaštite te da se može očekivati da će upozorenje uz prijetnju kaznom dovoljno uticati na okrivljenu da ne ćini prekršaje.

S sud je okrivljenu obavezao i za naknadu troškova prekršajnog postupka u iznosu od 50,00 KM budući da je okrivljena oglašena odgovornom za poćinjeni prekršaj i da obaveza plaćanja troškova prekršajnog postupka proizilazi iz imperativa odredbe člana 202. stav 1. Zakona o krivićnom postupku F BiH, na ćiju primjenu upućuje odredba člana 18. stav 2. Zakona o prekršajima F BiH, koji troškovi su po ocjeni ovog suda srazmjeri složenosti i dućini trajanja prekršajnog postupka.

PRAVNA POUKA: Protiv ovog rješenja može se izjaviti žalba Kantonalnom sudu u Tuzli u roku od 15 (petnaest) dana od dana dostavljanja rješenja o prekršaju, s tim što okrivljena može izjaviti žalbu samo u pogledu sankcije. Žalba se dostavlja ovom sudu u dovoljnom broju primjeraka za sud i suprotnu stranu.

SUDIJA
Marica Grabovica